

T 5427/4193

10



秋水閣墨副

癸

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 10 1941

秋水閣墨副詩類卷之九

古郵畫光宏君撰著

詩類

梅陀

東南澤國半往往鏡異迹大海時補陀慈

下所... 大... 七... 文... 時... 是... 矣



秋水閣墨副詩類卷之九

哈佛大學漢和  
圖書館珍藏印

古鄞董光宏君謨著

詩類

補陀

東南澤國半往往饒異迹大海峙補陀慈尊  
下所適俯瞰天溟池懸崖九千尺當時現法  
身青蓮大如席龍神日來朝洪濤恣噴射滅  
沒數點烟天盡地無坼波湧山勢搖日蒸海



氣赤境內萬里舟域外三韓舶乘潮破巨浪  
亂帆互相躑飯德黷異香拱手晉名壁頻年  
詔使至幡幢映岩石真如故無言衆生自奔  
迫遂令漾漭中今古長赫奕西方有聖人東  
海乃其宅我今飛渡來膜拜恍今昔摩娑蒼  
蔔花四望曉天白忽憶生前事廿年此面壁

越王臺

積雨垂垂細孤帆片片來雲衣入海濕汐氣

到江徊螢度暗不照雞棲寒自哀當年臣妾  
恨窳莫此高臺

感懷 乙酉

獵獵朔風黑淒淒原草黃邑邑無所歡行行  
重自傷十三弄柔翰十五思古狂遊獵窺古  
今抉摘窮微茫昔言害文勝神理忌厚藏竒  
命成拙謀緩轡翻周行躑躅贅耳鼻涕笑成  
瘡瘍乞波紫螯穴竊瀝青蠅吮束身襍襪中



秘水閣集卷之九  
托意無懷鄉寒帷禮季主握粟問長桑出門  
見車馬載道翩衣裳平生鄉里兒意氣何揚  
揚歸來三太息搥筆委道旁

遠征

木葉空江上蕭蕭事遠征風高淒白苧霜密  
暗青萍愁入雄心細時違俠骨輕夜深吹短  
笛猶作舊時聲

岷峨行送楊大夫應召北上

癸未

我聞岷峨之山幾千丈絕嶝縣峰九天上秀  
色遙從劍外飛靈根盤入中原向帝下珠宮  
第一仙龍伯為駟虎為仗廣顙于思秀目矐  
掀髯大笑隘九區上書一見漢天子負弩爭  
傳蜀大夫已借江西開百雉再來海上飛雙  
鳧左提風雷海水起右挾雨露庭花喜意氣  
邠看萬戶侯每遇才人輒倒屣東方小臣兩  
鬢垂短衣破笠西風吹龍劍不鳴紫電萎逢



人強自揚雙眉使君下馬問竒士書生歷落  
首見推萬里長津在隻手渡我直上窺箕柳  
片言九鼎齒舌香君為太山我培塿楊大夫  
人生在世何必黃金印豈願白玉斗但願一  
當知己使我胸中磊落璧玉走我有寸心丹  
剖出與君看歷歷明星輝皎皎白日搏君今  
星軺天上去尺書邨得留君處袞色朝開政  
事堂珮聲夕送絲綸署未至河梁聲已吞別

來何處思王孫我欲為風到帝閣鳴珂日日  
吹君門

冬日海昌邨中 乙酉

玄冥謝群妍廣莫布凝威水落石齒齒山靜  
行人稀遠征亦何事歲陰長未歸遙望山川  
稠仰見鴻雁飛南郭自隱几東方常苦饑人  
生不得意容貌無光暉明月隙中下偏照負  
薪衣



登招寶

我乘鰲頂望蓬萊見說金銀信有臺日月似  
從壺嶠出江山忽自混茫開欲鞭僊石之罟  
去徐攬星槎弱水迴此日獨遊成勝賞坐看  
龍女獻花來

古意述懷

巳丑

駟車出維揚遠道何阻修鷄鳴起結束跋涉  
墳與丘容貌無光輝飛塵滿衾稠日暮憇平

林下馬招同仇主人似舊識入門相勞苦客  
從何方來顏色一如土拂我衣上塵洗爵命  
清醺願聞子姓字并及子門戶感君綢繆意  
為君前致詞家本東海上祖父多纓綉八歲  
許前史十歲摹古碑文采縱復橫意氣良師  
師自擬清漢上二十以為期俄然家難生榮  
華一朝散榛荆蔽嘉穀游霾掩星漢中夜攬  
衣泣空有煮豆嘆靜言思往事仄仄心欲斷



食貧來吳中五見春草生情與年俱去貧與  
賤相并壹鬱平生意三十不成名日見華鬢  
改時令寒骨驚故人滿天朝誰為生羽翼邇  
來郵與筒一字無從得以茲百感生當飯三  
太息邇復鬼揶揄自南將祖北主人亦歛歔  
相對不能食願客善自愛無使意恻恻豈有  
人倫雋而令長寂寥金以鍛故剛木以久故  
喬努力樹明德奮揚在一朝稽首佩君言出

門指招搖

句容道中

駢馬向北道關河暑正深皇州抱天險驛路  
傍山陰靈氣有日月潮聲無古今予來何所  
事亦此一披襟

與李玄白舟中話舊

語中涕淚欲沾巾四海心知更幾人並禮迦  
葉消宿業還從姑布問前因向來風雨鳴鴉



急自去關河旅雁親夜半酒深龍笛短臨風  
吹渡玉河津

旅懷

司夜猶傳警羈人早拂鞍梵鐘霜後度野火  
霧中看髮已心俱短名猶歲共寒翻思村社  
裡臘蜡正相歡

同黃內方賀伯闇夜集玄白讀書處得  
齊字

小結茅庵傍水西鐘聲時與白雲齊竹間窺  
客芒鞋濕花下留人反注低鳥去傳書春作  
社狐來授法夜成蹊知君最有幽棲興門外  
無煩鳳字題

登東兗浮屠望泰山

齊魯青如洗無因上岱宗聊登佛子閣遙望  
丈人峰晚近露猶濕雲深山更重願隨鸞鶴  
駕長得侍仙蹤



秘州閣書  
卷之九  
呈玄白

與君交契久貧賤頗相同  
出處予仍拙詞章  
爾自工命疑逐世  
改文豈妒人窮對語忘移  
夕繁霜落斷蓬

吳江道中

寒月行人少玄天水氣多  
乘昏趨遠渡耐雨  
湖長波雁字歸心斷  
龍紋壯志嗟吳江魚自  
足可柰舍人何

送李君時進士北上應廷對

鷓首如飛破曉寒  
競傳仙史入長安  
三年更鑄吳中硯  
萬里新彈鄴下冠  
日麗銅龍春宴  
集雲迴木鳳蚤朝  
闌臨軒若問東南  
事為說炎荒半欲殘

夜飲李玄白所即席奉呈

兩年五度梅溪水  
此日登臨正夕霞  
秦駐尚留三殿草  
吳宮不斷六朝花  
路旁只拜要離



墓地主重尋季子家杯酒對君頭欲白不堪  
歷亂聽啼鴉

幾點寒星薄翠微坐來玄玉搃成圍主人送  
客仍投轄公子吹簫獨振衣意氣汝曹行矣  
在文章吾道是耶非夜深讀罷平原傳君自  
東南國士希

寄問王百穀南有堂

寂歷江東老秘書唐時供奉漢相如曾傾名

下三千士今作歸來六一居見說慧航登彼  
岸慙依人境結吾廬我今欲乞西方路不誦  
清平問子虛

贈吳文仲老師

古今重石交宇宙啣知己齊叔不可作魏陵  
長已矣嗟此行道心悠悠若流水貌恭安足  
憑皮相重為耻誰識丘樊人負此寥廓士壯  
心日回薄太息掩前史宏本東海民披裘時



負薪平生節烈意不敢向人論慷慨挾匕首  
長揖徐夫人素衷白皎日逸氣橫秋旻十三  
弄柔翰十五觀濠津睥睨天地間汗漫無所  
親先生名世者六合莽奔聚其身百谷王其  
德衆生父挈我風塵中慰勞意良苦望氣識  
權竒乘高借毛羽謬許天下士群倫罕儔伍  
進之門屏側式穀授規矩片詞朝甫脫五色  
暮相吹有時數易草中夜然青黎開函出秘

錄指示文中尼盈前皆沆瀣果我腸中饑左  
肝右提膽明信以為期漭漭浴日月浩蕩真  
我師風波日以摧飄搖何所薄朝為田文魚  
暮為翟公爵貴賤變彼此炎涼異今昨夫子  
萬古心歲寒庶可託泰岱無時平溟澗豈能  
涸上帝指齊盟百神蒞堅諾丈夫有七尺豈  
願黃金千但願剖竒抱披瀝知己前烈人多  
骯髒壯士無媯妍一朝既止面終身寧二天



明珠未可報黃鳥祇相憐努力樹明德不敢  
負前賢

送蔡肖兼使君憲副賢陽

東海功名治郡勞詔書今遣護西旄征車不  
散千門雨疊鼓時驚八月濤虎竹坐看朝百  
隊魚符應是夢三刀諸生總有平原淚馬首  
縱橫月自高

趙母代

夫子中年沒孤兒萬死存毀形標壯節九膽  
見深恩涕泗時看緯支離獨應門栢舟今可  
賦况復長新蓀

贈盧祠部

一疏批鱗萬死歸十年仍挂逐臣衣白頭報  
主心逾壯盛世憂時淚幾揮天女散花新受  
法野人爭席舊忘機聖朝未許垂綸客莫倚  
高原望少微



贈盧暘谷

昨驚雲錦字傳來醜酒論心亦快哉  
賓雁近從南渚集菊花今為遠人開  
君家王謝真多士我輩高陽別有才  
况是相逢他日少一尊莫放漏頻催

擬閨怨三首

剔盡銀燈漏轉長碧天寒月照人涼  
桐陰立徧鮫鮪濕猶整雲翹拂夜妝

楚山巫峽不成眠宛轉低聲向耳邊  
今夜正如三五月君心能得幾時圓  
才說分離不忍聽月鈎猶自帶三星  
妾心好似池中藕君意何如水上萍

送全封君

玉笈趨庭日金門就養時兩朝明主澤三世  
舊臣思席挂春濤穩杯分曉月遲五雲今咫尺  
重睹漢威儀



彭城吊古

曠望寒雲故壘平  
亂山迢遞入荒城  
前朝蹟認魚龍國  
霸略雄分草木兵  
飛雨似留歌楚淚  
濁河猶帶戰秦聲  
古今不盡興亡恨  
落日啼鳶摠繫情

玄白齋中

君住青山穩  
新為避世人  
貧窮聊自遣  
急難有誰親  
白日凋華髮  
孤雲病客身  
相憐復相

慟或未久沉淪

贈劉令彝

知君才霸俠  
中王直割崑崙  
崙蹴太行欲賦兩  
都虹作管仍遊五嶽石  
為糧夫人七首蕭條  
在公子車徒汗漫長  
一片相思江水闊  
夜來寒月照筐牀

鼓琴妓

激羽流商蹙素蛾  
郎舟只在洞庭波  
江州司



馬如相問不是琵琶淚亦多

別余茂初二首

况已悲搖落邙堪別故人十年羈旅客萬里  
獨歸身節自生平見情非笑語親關河風雪  
夜憶爾倍傷神

與君同廢棄於此忽追隨世事皆飄瓦人情  
但奕棊荆卿貧俠在鮑叔石交知去去盧龍  
道躊躕重所思

度僊霞嶺

去去延津道人間及蚤秋遠岫雲連樹孤邨  
水傍樓剩有乘槎興虛煩故國愁憑高一舒  
嘯寒月照刀頭

建南舟中

秋風吹我上建安千山如畫青雲端谿下驚  
流急如駛中流往往多噴沔遙看驚似蛟螭  
蟠漸近忽若虎怒搏懸珠濺沫三十仞滄溟



秋水閣集卷之九  
十里殷雷繁建南輕舸薄于紙此時神悸目  
眩不敢看吁嗟乎人生之險豈必水與君對  
面隔江蒹與君對面隔江蒹吁嗟我亦胡為  
此侏儒侏儒飽欲死

建州贈友人

忽漫相逢日招携入梵林春風君自好流水  
若為吟投誼千秋合譚襟五夜深鍾期應有  
在不必理鳴琴

贈黃說仲

舊憶天台路無因問石梁自交黃叔度如見  
孟襄陽聖世身猶隱名山副可藏夜闌更對  
語寒月下匡牀

為陳生題坐春風卷

偶爾天南寄此身聞君浩語倍驚神也知群  
玉山頭見定是瑤池會裡人  
春水春山春更多春風一日幾回過不知立



雪程門者徒倚當年可若何

聞君絳帳轉相親第一門中第一人喜得安

期僊棗熟時時分與幕中賓

振衣千仞氣靖崢不數人間第五名一夜非

譚驚四座唾壺缺盡酒千行

陳季迪招遊丹青閣紀事兼懷李玄白

絕巘抱孤槽招携最上層忽思塵外境猶作  
夢中登樹有千秋色泉飛八月水醉餘駮鶴

去一扣定中僧

予嘗夢遊此閣登時宛如所夢云

見說丹青閣今登第幾丘關河迴上郡氣色  
動高秋雁結霜前字烟生雨外樓憑高當歸  
意日暮使人愁

清秋風日好遠向建南來以我四明客尋君  
八閩才渡水穿幽寺凌風上吹臺應知今夜  
月同照故人杯

早朝紀事



縹緲卿雲曉際開俄傳仙仗自天來九門遠  
望銅龍出三殿晴看木鳳徊  
袞冕端居瞻日月衣冠切武近蓬萊小臣幸  
際昇平會欲賦慙無雅頌才

某夫人歌

有母有母孝且勤拮据家政何續紛老姑垂  
髮白如雲手縈綺釜陳滌饋老姑未嘗不敢  
脣十指洒削文欲龜雖有女奴不肯徇願以

四體怡老親朝汲寒漪向東井左挽輓轡右  
持綆躄躄弱體不自持翻身忽下鏡中影老  
姑驚號兒女呼明珠已沈玉簫冷此時麒麟  
生十年井旁兩血目為青只今策足登天衢  
但言母氏增欷吁君今致身報母烏何況兩  
轂施丹朱世間錦襪花鬣能玉人嬌坐臧獲  
趨青編彤管何為乎死孝死勤古所無吁嗟  
乎死孝死勤古所無



秋小閣集卷之九  
賀孫金吾生子

鼎族純禧永高門帝祉昌紫綵半文武丹轂  
盡忠良三世期門將兩朝衛尉郎寢興占夢  
吉孤矢志辰祥北極舊麒麟南山新鳳凰試  
啼知骨聳望氣識神揚棨戟氤氳聚衣冠瑞  
靄芳犀錢上帑賜玉果大官藏弄珠真應月  
覽鬢未凝霜倘憶金環在行看玉鸞翔中郎  
知不愧阿大定相望未盡封胡美猶誇羯末

疆無言孺子幼即共阿爺長鐵騎趨前蹕金  
吾列未央螽斯蕃世澤麟趾奉朝常我亦君  
家客無愁寫弄麀

壽史太母

與君同榜復同里年少青雲名鵲起越國勲  
華幾葉聞鍾鳴鼎列照江水江水蜿蜒流澤  
長丹崖白麓神仙鄉孕靈毓秀無時已瑤草  
琪花玉洞香南嶽夫人西王母遙空鶴馭接



箕斗俯瞰齊州九點烟笑向雲中雙拍手君  
家大母祝華封堂上群仙琥珀濃殮茶飲藥  
茹冰雪邇來練得神仙容即今蓀枝照庭樹  
聖主恩深賜歸娶宮衣再拜大母前願得紅  
顏百年駐柏舟昔日何淒涼此時燕喜樂未  
央醉將紅錦再三看 朝家恩澤天與長

京口送王蓀仲姑丈先歸

此日更為別蕭蕭兩岸秋語深疑夜淺江白  
似天浮彩筆香猶在高情苑未收相期應不  
遠他地莫淹留

壽楊崑阜尊人年伯

蚤將絕學振慈湖桂樹雲山道不孤忽報南  
金收赤箭喜來東壁問青瑜舞觴欲共三春  
永歸袖端携五色俱總是人間推第一好譚  
名理答 皇虞

余以視讞出都時薛魯村年丈請告疏



亦下械詩送余且有追及臨淄之約  
賦此却寄

故人喜我乘槎去秋日題詩寄錦封君亦暫  
辭香案吏我歸先掃洛伽峰鳴榔遠散千林  
月飽席驕翻十里春便欲停橈汶濟上好來  
共拄嶧山筇

送蔡廣文

莫說巴西路東來道更難采苓人共惜種蕙

若為看天矯隨龍性棲遲落鳳翰也知吾道  
在不必借冠彈

壽李玄白母夫人

憶昔逢君十載前登堂拜母倍相憐擬攀閭  
闔朝群帝共坐容成望九烟歷落我今投白  
社才名君已重青蓮西池此日週花甲海上  
能無錦字傳

王孫仲書來有同舟之約至幙滄先半



日而發寄詩遲之

雙旌迢遞指滄州海色蒼茫入素秋太守相逢要秣馬故人先去獨隨鷗空來片羽霜前字竟作千山雪裡舟寄語長年徐放櫂青齊好共豁雙眸

趙長公小嵩山冊

崧山矗起天中央誰割半岫潑水傍崧高高與天無極此亦崧少雄一方遂有鉅公乘會

興古稱嶽降非荒唐種花道人鉅公子風流蘊藉饒文章手携嵩山紀異冊鄉予詫說語甚詳為君一笑姑置之幽竒閔怪皆尋常吁嗟宇宙亦大矣有無無有難具量要知虧成猶旦暮豈以脩短論彭殤空明片念自炯炯凌虛觸實皆徜徉所以靈照慧男子手提龍象皈法王一莖草作千尋字九品蓮開五夜香我觀趙君易且良應是維摩座下郎買山



買得菩提樹楞伽讀罷栽篔簹無柰世緣尚  
糾結駢駢五馬金腰妝我亦前生苦行者風  
塵一念下禪牀大士時時入夢來蓮花宛轉  
白毫光宿根雖與塵心溷妙道猶知在糝糠  
道人證得菩提果剷樹植山總不狂此意憑  
君獨認取相期汗漫觀滄桑

汪黃門冊

楚材既珍時荆壁還耀夜椿梓偕芬榮璠璣

總堪詫睠彼翼軫間星鎡光注射次元與彥  
章今古相儔亞子孝父乃聖鴻翼而鵬化聖  
者持廷平容臺時掌訝褰帷蒞保陽最績聲  
聳價孝哉賦皇華直旌佇給舍校局粵之西  
後先馳駟駕功成鼎以懸德全機亦謝鈴閣  
黯驚塵懷寇悲難借椿影共棠陰涕泗紛交  
下一劔答君恩遺訓銘犀杷三復語猶生千  
齡傳未罷有鐔自凌風神光離合乍桓葱指



斗間啼鳥在戟架

賀伯闇請假奉太夫人而南時太夫人

春秋餘七十新受恩綸

十載彈冠紫禁城兩持綸綍出瑤京將歸天  
上七旬母况有人間五鹿名雲外鐘聲千騎  
送風前帆影百花迎只今賀監方推重未許  
南湖鏡裏行

丙午春正月入閩關有作

策馭從飛蓋行尋鳥道通旌干脩竹裡鼓吹  
白雲中禹甸春俱遠堯天雨更同願垂三慮  
澤敢自詫融風

閩中送友人歸吳

歲暮他鄉送知己計程十日到吳淞歸心一  
夜隨君去細數殘更雪後鐘

題江郎山

江郎三片石天半倚崔巍影入青冥裏歸鴻



秋小閣里  
卷之九  
不敢飛

竹枝詞

禦兒港邊雙燕低飛來飛去口啣泥巢成燕  
子長相守何事郎君戀鼓鼙

楊柳春深獨倚樓黃鸝隔葉自相求偷閒細  
看同心結半是青絲半是愁

送王司理任辰州時屠田叔為辰州守  
君向三湘去何時到沅衡江濤隨月舫山色

避霜旌望氣窺雲夢沿江採杜蘅能因新太  
守一問魯諸生

冬夜湯直指招飲延津百角樓惠教邊  
事甚悉且有瑤華之贈賦此奉酬

使君旌節下瑤京偶撫清流濯壯纓嚴戍傳  
更霜並永高臺擊鼓韻俱成雲中刁斗驚譚  
出匣匣魚龍寶色明我亦書生雄快者唾壺  
缺盡漢初橫



見說延津臨劍浦喜隨丹節到滄洲寥心雲  
度三山雁浩語天驚百尺樓龍子不腥江乍  
冷鮫人有淚夜初收古今何限登高思山自  
蒼蒼水自流

遊武夷山時崇安邑倅為葛水鑑尊人

年伯

偶向神區抗使旌凌高身與白雲行鎧嚴萬  
騎將軍壘漏擁千官帝子城忽有葛仙為地

主欲從茅氏問長生夜歸笙鶴遙相送携得  
丹霞兩袖明

讞閩歸度閩關

千巒萬岫似多情到處迴環送使旌雪裡閩  
關分手去馬蹄踏徧白瑤京

夏日濟寧登太白樓并觀古南池杜少

陵詩碑

高樓存太白杜子亦南池瀟洒青蓮色蒼涼



秋水閣集卷之九  
白露詩乾坤餘骸麟日月護神奇政想繁華  
地西風黍自離

寄懷兗州太守葛年丈時葛兩尊人在  
署中

故人五馬臨東兗年少風流得意時濟上諸  
侯推虎竹庭前弟子肅魚麗時看槐蔭侵朱  
紱每擷棠花供壽卮無限相思秋色裏欲將  
落月問心知

得李玄白北雍書

洞庭一葉下秋波四海論交意若何走馬共  
飛穿石劍弄舟時聽採菱歌誰言西北玄珠  
少不信東南竹箭多昨夜夢中雙鯉到醒來  
猶自手摩娑

贈吳少君

海水掬來瓢自洗茶鐺遠避俗烟侵相逢懶  
說人間世雲在寒空鶴在岑



秋水閣集卷之九  
滏陽署中即事

列校傳清曙牙前鼓角鳴太行扶曉日宿霧  
散重城燕薊天關近邯鄲古道平願將春草  
意迢遞上瑤京

行次涿鹿如上入折柬招遊山中阻雨  
不果

上人家住白雲峰招我相過躡紫茸一日關  
河分涿鹿九秋風雨隔盧龍玄提洒徧炎中

露清梵驚聞夢裡鐘我在洪流君在岸可無  
寶筏指迷踪

入賀

萬壽早朝即事

聖水橋邊望五雲好風吹下紫氤氳緋衣內  
侍紛紛出競說宮中面

聖君

紀夢



時有真官入夢來霞裾雪珮九蓮臺政譚天  
上清都事忽駕香雲控鶴迴

長水李玄白見過子夜話舊

十年不見乍相逢促膝聯牀意未窮夜半清  
譚盡霏屑松風吹入薜蘿中

君是人間謫絳僊何因不奏帝京篇問君不  
語深情事只寄悲心五十絃

蕭寺相逢意倍親知心海內幾能真廿年洒

盡英雄淚尚記桑林少一人

明月亦喜故人到夜深猶自入簾來把月照  
心心似月好將此月寘君懷

當年多少才名客此日寥寥不可聞把酒到  
君須大醕高天極目送浮雲

楊以素先生封公七十以素先生故鄣

令也士民最德之內召掖垣封公自

蜀迎養京邸



揆初晨起聽鳴珂紫氣遙從劍外過綵動五  
雲瞻日觀盃分九色傍星河召南父老西歸  
盡魯國諸生北面多好躡容成到閭闔群仙  
朝會定如何

樂育圖為李廣文時李以縣令左遷

駘蕩春何極公隨化雨來橫經臯席滿問字  
雁行開花入新桃李岐分舊麥稜共瞻弧矢  
夕紫氣燭三台

此日星初下人間紫氣多百年陶禮樂千里  
共弦歌問棘魚麗入論心雁序過即看蹊上  
李花縣尚摩娑

重五日盧祠部以葛衣為贈副以香囊

素扇敬賦短章奉酬

輕衫一幅剪冰紋解贈知公意獨慙貧缺未  
應銷激電彩毫誰復重凌雲囊香細與鮫綃  
入扇影遙將雉尾分何日三山天路近裁書



一寄孟嘗君

乞盧祠部地黃酒

僊翁昨夜煮丹鑪地底真黃勝碧酥猶有書  
生最消渴金莖一滴到儂無

贈趙文惠

海上名高隱君今應少微十徵猶不起五鼎  
竟誰肥搥筆多新紙傳經有舊衣文章留惠  
澤千載尚餘暉

送黃水部入都

憶昨逢君五鳳城又從江上送君行人言水  
部真仙吏我識星槎是客卿去日九峯雲外  
合到時三殿雪中晴

聖明若訪巖栖者為說終生欲請纓  
贈別馮彥先

歲晚同為客相看意轉親也知青眼舊不是  
白頭新君義能收薛予行獨問津疇疇若為



別落月吹飛塵

題沈氏竹塢

誰種琅玕一萬行  
綠陰空翠午庭涼  
風聲嘹唳千官佩  
月影繽紛五夜妝  
不鄉野田栖鳥雀  
祇依阿閣集鸞皇  
渭濱千畝今猶在  
不用鵝黃百尺長

曉行即事

馬令令車麟麟  
曉起爭飛陌上塵  
邯鄲半大

賈長安多貴人  
書生馬上衣袖濕  
不知何事征行急

冬日由吳門入  
婁東謁弇州先生不遇  
還自雲間

霜落江臯衆壑哀  
風吹萬里片鴻來  
黃沙沉沉白日慘  
山埋谷隱晝不開  
我時買櫂向樵李  
復問前津渡長水  
水寒風急不可渡  
咫尺吳門隔千里  
吳門大道人如流  
青油畫船高



過樓金昌城外共行樂銀虎丘前且莫愁欲  
問鴟夷尋季子古來俠烈今已死許劍投金  
萬古心今人意氣寧如此更隨舴艋下婁東  
五兩如飛破晚風弇州已識龍門近業下誰  
憑鯉素通幕府鳴鍾伐鼙鼓橫海樓船盡強  
弩初昏月到水邊城後夜潮生江上浦雲間  
帶水不容刀一夜歸心路轉迢已向青谿問  
三泖還從婁水暫停橈往來霜露迅征翬蒯

緜淒斷無顏色長缺何緣公子車短衣且就  
野人食黃金在手手莫投白壁向人人不收  
昨夜東歸千里夢故鄉今尚在并州

下弟歸渡錢塘聞邊警

九月秋深海氣黃片颿獨下度玄霜投鞭此  
日心猶壯擊楫當年事已荒烏道還誰收駿  
骨龍津空自泣魚腸忽聞烽火甘泉夜那得  
長纓繫虜王



無題

今古文章厄平生骨肉稀寒縫一尺布饑採  
萬山薇涕泪心空斷飄搖事已非夜深頭欲  
白仲業自輕肥

別盧暘谷

說劍譚天意未平虛隨稷下事縱橫鼎中龍  
氣殷誰識匣裏魚腸耿自鳴去矣欲從盧若  
士歸與猶惜魯諸生多君載酒頻相問曠望

河梁一繫情

以視讞之命出春明門留別長安知己  
萬里清秋節駢駢擁使旌文輶隨羽騎華祖  
出嚴城帝德天俱遠臣心日共傾願將今此  
意迴照貫星明

度玉山

三十年前度此關先人携我袖猶編旆旌此  
日悠悠去枚泪重看雪後山



和之隱居  
卷之九  
贈沈給諫封公沈故蕭山令也其封公  
有隱德能卻遺金云

共說南州高士傳孤標直逼閭風岑傳家惟  
有青霞管報國長懸皦日心畏壘道穰尸祝  
永德園名隱歲年深河陽怪道廉如水庭下  
曾看卻暮金

金陵自古帝王鄉碩行如君獨擅場礪世孤  
標稱太白傳家勁筆避中黃高岡聲自來丹

穴南國珍應賦尚方尸祝百年懷舊德先生  
名與大江長

畢太翁太君雙壽

大鄣靈氣何紛綸黃山白岳高嶙峋就中盤  
礴畢氏門畢公夫婦兩才人膝前幻出七麟  
麟中有肉角尤絕倫太翁太母已初度庭下  
玉立朱紫陳渥恩况復綸命新憶昔經史口  
授頻始知文字真有神我聞趨庭訓在父不



在母豈無女中史所匹或非耦雖云天道私  
善人安能捺券必其後君家文獻元主盟道  
蘊自應嬪妣平幃房觚翰兩相敵一一皆作  
秦漢聲願以高節配古人不願塊壘金滿籬  
手散陽和徧九族夢中猶托萬里情兩人教  
子成大名文章行誼縱復橫驃騎耽耽已雄  
行第五寧肯讓阿兄太翁太母自仙骨日鍊  
金髓尋芝英花滿銀童燒絳蠟風生玉砌動

華幘試看象服與魚軒紫衣斑袖何輕盈我  
曾傾蓋識仲氏炯炯雙眸射秋水一時聲氣  
便響答已知足盡東南美須臾抗手相別去  
至今玉屑在吾耳讀君家乘文翩翩乃知非  
是父若母不能生是子即今使節欲東矣懸  
弧設帨春燕喜珠履盈前進觥兕積善之家  
乃有此積善之家乃有此願以風謠佐惇史  
壽趙母夫人



西池三月敍華筵碧蕾紅桃正可塞十岳移  
書朝衆姥五城飛鳥下群仙舞衣新映絲綸  
錦卮酒遙分湛露泉更有山公冰鑑在好遺  
阿母供青蓮

籍甚當年廉吏名棠陰猶記舊滕城風霜曾  
避旌干色霄漢今傳珮履聲四座香分水漏  
永千官影靜玉衡平太君饒有神仙骨駐看  
郎君翊

聖明

有朝

長楊不待曉風吹一夜青青為阿誰果有王  
孫來繫馬酒杯澆盡送行枝

紀夢

夜來清夢繞天家仙仗繽紛擁翠華一道金  
光開日轂踈鐘度出上林花

謁三蘇冢冢在汝州土人呼其山為小



峨眉

再拜兩蘇藏玉地問山說是小峨眉  
隔谿高隴眠翁仲蒿草秋深免乳兒

臨汝道中

使者乘春擁使軺遠青近綠望迢遙  
崆峒雲氣襄城道箕穎流泉谷口橋  
社鼓喜逢周父老游旌不用漢嫖姚  
催租縣吏知應少但以豐年祝

聖朝

許昌道中

青郊小雨泥遊塵正是芳霏一半春  
花柳故園應共笑主人歲歲是行人

妙高臺

妙高峯上妙高臺千里凌風控鶴來  
氣接渾淪蒸曉夜勢分吳楚劃江垓  
暗潮忽逐飛帆去冥翼時同日影回  
夜半凭欄明月在一灣



螺髻鏡中開

甲寅秋入賀

萬壽蚤朝即事

五漏新寒兩袖間  
隨行入賀御墀前  
三朝劍珮瞻天上  
萬國車航到日邊  
拜舞喜酬臣子願  
岡陵遙祝

聖人年小臣未解  
陳金鏡欲獻周詩  
問夜篇

渡淮夜行

夜指淮西路秋蟾分外明  
輕車信平楚清吹引飛旌  
皓魄心俱淨涼飈袖並輕  
那知人世裏自有玉壺冰

















